



An Roinn Caiteachais
Phoiblí agus Athchóirithe
Department of Public
Expenditure and Reform

An Roinn Caiteachais Phoiblí agus Athchóirithe

Ráiteas Straitéise 2021-2023



An Roinn Caiteachais Phoiblí agus Athchóirithe

Ráiteas Straitéise 2021-2023

Ár Misean

Freastal ar leas an phobail trí rialachas fóna caiteachais poiblí agus trí athchóiriú a threorú agus a chumasú ar fud na Státseirbhíse agus na Seirbhíse Poiblí

Ár gCuspóirí Straitéiseacha

1. Caiteachas poiblí a bhainistiú ag leibhéil inbhuanaithe ar bhealach pleanáilte, cothrom agus fianaisebhunaithe, chun tacú le cuspóirí geilleagracha, sóisialta agus aeráide na hÉireann
2. Athchóiriú agus nuálaíocht a spreagadh ar fud na Státseirbhíse agus na Seirbhíse Poiblí chun soláthar seirbhíse don phobal a fheabhsú, agus chun struchtúir ceaptha beartais agus rialachais poiblí a fheabhsú

Ár Luachanna

Freastalóimid ar leas an phobail ar bhealach atá oscailte, trédhearcach agus cuntasach
Seasfaimid le macántacht, comhionannas, neamhspleáchas agus gairmiúlacht
Cuirfimid freagrúlacht, nuálaíocht agus freagracht shóisialta san áireamh inár modh oibre
Leanfaimid orainn ag tacú le cultúr d'fhoghlaim leanúnach, meas agus ceannaireacht ionchuimsitheach

Ár dTorthaí Beartaithe

Creat caiteachais poiblí inbhuanaithe, inchreidte
Athchóirithe a thacaíonn le barr feabhais i soláthar seirbhíse poiblí, ceapadh beartais straitéiseach agus struchtúir rialachais poiblí
Eagraíocht ag a bhfuil luach ar a foireann oibre agus ina bhfuil timpeallacht oibre dearfach agus comhoibríoch

Comhthéacs Straitéiseach 2021-2023

Tá an comhthéacs straitéiseach ina bhfuil an Roinn ag feidhmiú bunaithe ar roinnt príomhfhachtóirí:

- Tosaíochtaí an Aire Caiteachais Phoiblí agus Athchóirithe agus tiomantais ábhartha i gClár an Rialtais;
- Na dúshláin atá le sárú againn mar thoradh ar phaindéim Covid-19 chomh fada is a bhaineann leis an tionchar atá ag an bpaindéim ar chaiteachas poiblí, an geilleagar agus an tsochaí, agus chomh maith leis sin an tionchar atá ag an bpaindéim ar an ionad oibre agus ar an bhfoireann oibre sa Státseirbhís agus sa tSeirbhís Phoiblí, lena n-áirítear ár Roinn féin agus ár bhfoireann féin;
- Rannpháirtíocht ghníomhach leis an Aontas Eorpach agus le heagraíochtaí idirnáisiúnta eile maidir le tosaíochtaí atá ag teacht chun cinn, go háirithe na cláir oibre glasa agus digiteacha agus an fhreagairt do Bhreathimeacht agus Covid-19, fianaise ar lorg AE na Roinne a bheith ag dul i méid, agus ag an am céanna cur lenár gcaidreamh leis an Ríocht Aontaithe i ndiaidh Breathimeachta agus caidreamh Thuaidh Theas a chothú;
- Uaillmhian mhéadaithe ag leibhéal AE agus náisiúnta le tiomantais agus spriocanna gaolmhara maidir le gníomhú ar son na haeráide agus an t-aistriú chuig geilleagar ísealcharbóin, ag a bhfuil tionchar ar gach earnáil den Rialtas agus dár ngeilleagar;
- Saincheisteanna a bhaineann le bainistíocht fhoriomlán an chaiteachais poiblí, lena n-áirítear: impleachtaí Covid-19; brú caiteachais agus inbhuanaitheacht treochtaí caiteachais, agus seasamh foriomlán an airgeadais poiblí; rioscaí a bhaineann leis an seasamh fíoscach; agus tionchar forbairtí déimeagrafacha agus forbairtí eile;
- An gá atá le hathchóiriú leanúnach an chórais bainistíochta infheistíochta poiblí, lena n-áirítear an Cód Caiteachais Phoiblí nuashonraithe chun breithmheas, pleanáil agus bainistíocht tionscadal a fheabhsú agus chun tairbhe a bhaint as cur chuige nua i ndáil le rialachas do mhórtionscadail infreastruchtúir, agus mionleasú forásach Chreat Bainistíochta na nOibreacha Caipitiúla;
- Seachadadh na gcéad chéimeanna eile d'Athnuachan na Státseirbhíse agus Athchóiriú na Seirbhíse Poiblí, lena n-áirítear cur chun feidhme leanúnach Straitéis Nuálaíochta na Seirbhíse Poiblí, ríomhsheirbhísí rialtais, soláthar agus athchóirithe a bhaineann le daoine, le béim faoi leith ar réitigh chomhroinnte agus faoi thionchar daoine agus lucht oibre, ionad oibre agus eagraíocht na todhcháí;
- Ról suntasach agus méadaithe na Roinne i soláthar seirbhíse do chomhlachtaí poiblí eile, a bhfuil roinnt Rannán páirteach inti anois; agus
- An gá atá le leanúint le caidreamh éifeachtach le: an Roinn Airgeadais chun airgead poiblí fóna agus beartas fíoscach comhtháite a chinntiú; gach Roinn chun dlús a chur le cultúr comhoibríthe agus ceapadh beartais agus cur chun feidhme fianaisebhunaithe; an tOireachtas agus a Choistí chun a ról i gcuntasacht agus maoirseacht dhaonlathach a éascú; agus na comhlachtaí faoinár gcoimirce chun tacú le rannpháirtíocht agus seachadadh éifeachtach.

Cuspóirí agus Gníomhartha Straitéiseacha 2021-2023

Cuspóir Straitéiseach a hAon: Chun caiteachas poiblí a bhainistiú ag leibhéal inbhuanaithe ar bhealach pleanáilte, cothrom agus fianaisebhunaithe, chun tacú le cuspóirí geilleagracha, sóisialta agus aeráide na hÉireann, déanfaimid an méid seo a leanas:

Forbairt agus Cur Chun Feidhme Beartais

- Meastacháin agus Ráitis Chaiteachais ilbhliantúla a tháirgeadh a chomhlíonann cuspóirí Rialtais, gealltanais AE agus a thacaíonn le dul chun cinn geilleagrach, sóisialta agus bainteach leis an aeráid, ag cloí leis an gceanglas buiséad atá cothrom tríd is tríd a sholáthar sa mheántearma;
- Monatóireacht agus grinnscrúdú a dhéanamh ar thorthaí agus ar threochtaí caiteachais vótáilte i rith na bliana, chun eolas a chur ar fáil do fhreagairtí beartais agus chun na freagairtí sin a mhúnlú;
- Na struchtúir agus na próisis a thacaíonn le fás caiteachais inbhuanaithe, spriocdhírthe go héifeachtach sa mheántearma a neartú, agus a thacaíonn le hiontaoibh i gcumas na Roinne a Mísean a chur i gcrích;
- Athchóirithe buiséid a phríomhshruthú chun cinnteacht agus disciplín maidir le leibhéal agus comhdhéanamh ginearálta caiteachais phoiblí sa mheántearma a chur chun cinn agus caighdeán, ábharthacht beartais agus tionchar na faisnéise feidhmíochta a fheabhsú, lena n-áirítear i ndáil le comhionannas, aeráid agus folláine, agus ag an am céanna rannpháirtíocht le, agus freagrúlacht do, príomhpháirtithe leasmhara lena n-áirítear comhaltaí den Oireachtas agus Coistí a éascú;
- Trí Sheirbhís Gheilleagrach agus Mheastóireachta Rialtas na hÉireann, dlús a chur le forbairt acmhainne le haghaidh ceapadh beartais fianaisebhunaithe sa Státseirbhís agus forbairt leanúnach a dhéanamh ar an gcur chuige fianaisebhunaithe agus de réir sonraí i ndáil le ceapadh beartais chaiteachais;
- Athbhreithniú a dhéanamh ar an bPlean Forbartha Náisiúnta, maoirseacht a dhéanamh ar a chur chun feidhme éifeachtach, gnóthachtáil tosaíochtaí straitéiseacha infheistíochta a chur chun cinn agus ailíniú leis an gCreat Náisiúnta Pleanála mar chuid de Thionscadal Éireann 2040;
- Costais pá agus pinsin seirbhíse poiblí a bhainistiú ar bhonn atá inbhuanaithe go fíochach laistigh de chreat cobhsaí caidrimh thionsclaíoch agus leanúint ag tacú le riarachán éifeachtach na Scéime Pinsin Aonair;
- Déileáil leis na dúshláin a chruthaíonn Breatimeacht sa gheilleagar agus sa tSeirbhís Phoiblí trí chéile, mar aon le réimsí bheartas an AE a bhfuil freagracht shonrach ar an Roinn astu; agus
- An méid tairbhe a bhainfidh Éire as Cistí Eorpacha a uasmhéadú agus comhoibriú Thuaidh-Theas a chur chun cinn, lena n-áirítear trí PEACE PLUS.

Cuspóirí agus Gníomhartha Straitéiseacha 2021-2023

Cuspóir Straitéiseach a Dó: Chun athchóiriú agus nuálaíocht a spreagadh ar fud na Státseirbhíse agus na Seirbhíse Poiblí chun seirbhísí don phobal a fheabhsú, agus chun struchtúir straitéiseacha ceaptha beartais agus rialachais phoiblí a fheabhsú, déanfaimid an méid seo a leanas:

Forbairt agus Cur Chun Feidhme Beartais

- Forbairt na chéad chéime eile d'Athchóiriú na Seirbhíse Poiblí, Ár Seirbhís Phoiblí 2030, a threorú chun torthaí níos fearr a sholáthar don phobal, an fhís atá bunaithe i Straitéis Nuálaíochta na Seirbhíse Poiblí a chomhlíonadh, eagraíochtaí éifeachtacha a fhorbairt agus an cultúr meastóireachta i seirbhísí poiblí a fheabhsú;
- Forbairt agus cur chun feidhme Athnuachan na Státseirbhíse 2030 a threorú, chun torthaí níos fearr a sholáthar don phobal, trí leas a bhaint as teicneolaíocht agus nuálaíocht dhigiteach, cur le foireann oibre na Státseirbhíse, ionad oibre agus eagraíocht na todhchaí agus beartais agus seirbhísí fianaisebhunaithe a sholáthar;
- Rialtas oscailte, cuntasach agus trédhearcach agus riarachán poiblí agus dea-rialachas a chur chun cinn sa tSeirbhís Phoiblí;
- Forbairt agus cur chun feidhme straitéis nua, Straitéis Daoine na Státseirbhíse, ina léirítear an t-athrú atá tagtha ar an ionad oibre mar thoradh ar Covid-19 agus ina dtugtar dúshlán bealaí traidisiúnta oibre chun tacú le leanúnachas agus le héifeachtacht gnó amach anseo;
- Tionscadail a chur chun feidhme chun soláthar seirbhíse AD ar fud na Státseirbhíse a neartú lena n-áirítear an tSamhail Oibriúcháin AE agus an tIonad Saineolais AD;
- Dlús a chur le cur chun feidhme Straitéisí TFC agus Ríomhsheirbhísí Rialtais, Straitéis Sonraí na Seirbhíse Poiblí agus an tAcht um Chomhroinnt agus Rialachas Sonraí, agus tuarascáil GovTech;
- Straitéis Dhigiteach don tSeirbhís Phoiblí ina sonrú an treo a rachaidh seirbhísí digiteacha rialtais amach anseo; agus
- An Clár Athchóirithe Soláthair a threorú chun soláthar poiblí níos fearr, inbhuanaithe agus trédhearcach a chumasú.

Soláthar Seirbhíse

- Seirbhísí coiteanna éifeachtacha agus éifeachtúla a sholáthar do chomhlachtaí poiblí mar chuid den chlár Tógáil le Roinnt agus úsáid a bhaint as Vóta Oifig Phríomh-Oifigeach Faisnéise an Rialtais chun tacú le forbairt inbhuanaithe agus soláthar seirbhísí;
- Maoirseacht, luach ar airgead agus beartú tosaíochta fianaisebhunaithe réiteach foghlama ó OneLearning a áirithiú; agus
- Todhchaí an tsoláthair phoiblí a mhúnlú chun luach fadtéarmach a sholáthar don phobal trí sheirbhísí soláthair, treoir, comhairle agus oiliúint ar ardchaighdeán.

Gníomhartha chun an Roinn a chumasú lena misean a chomhlíonadh

Chun cur leis na gníomhartha atá sonraithe ar an dá leathanach roimhe seo, déanfaimid an méid seo a leanas:

- Cuirfear an Ráiteas Straitéise seo chun feidhme chun léargas a thabhairt ar thosaíochtaí caiteachais phoiblí agus athchóirithe an Rialtais agus chun seirbhís ar ardchaighdeán a sholáthar don Aire, don Rialtas agus don Oireachtas;
- Treiseofar ár Straitéis Sláinte agus Folláine chun rannpháirtíocht agus folláine fostaithe a chothú, agus dearfar agus cuirfear chun feidhme ár Straitéis AD mheántéarmach chun tacú le foireann oibre ionchuimsitheach agus éagsúil, ár gcreat le haghaidh pleanáil comharbais agus bainistíocht talainne a fheabhsú, agus ár n-acmhainn agus ár gcumas inmheánach a neartú;
- Cuirfear feabhas leanúnach ar chreat rialachais, bainistíochta riosca agus comhlíontachta na Roinne agus soláthrófar tacaíocht chorparáideach ar ardchaighdeán, agus cuirfear chun feidhme socruithe éifeachtacha bainistíochta agus soláthair airgeadais don Roinn;
- Bainisteofar freagairt na Roinne don saol i rith ré Covid agus i ndiaidh ré Covid ar bhealach gairmiúil agus sofhreagrúil, trí thús áite a thabhairt do dhaoine agus pleanáil leanúnachais ghnó láidir chun ár riachtanais ghnó a chomhlíonadh; agus
- Feabhsófar bainistíocht sonraí agus eolais agus tabharfar faoi thionscnaimh a bhfuil sé mar aidhm leo comhoibriú a fheabhsú ar fud na Roinne agus le páirtithe leasmhara ar fud na Státseirbhíse agus na Seirbhíse Poiblí.

Ár Luachanna

Nuair a bheidh ár misean á chomhlíonadh againn agus ár gcuspóirí agus gníomhartha straitéiseacha á gcur i gcrích againn, déanfaimid an méid seo a leanas:

- Freastalóimid ar leas an phobail trína chinntiú go bhfuil oscailteacht, trédhearcacht agus cuntasacht ag croílár ár gcuid oibre;
- Seasfaimid le macántacht, comhionannas, neamhspleáchas agus gairmiúlacht;
- Cuirfimid freagrúlacht, nuálaíocht agus freagracht shóisialta san áireamh inár modh oibre;
- Leanfaimid orainn ag tacú le cultúr d'fhoghlaim leanúnach agus forbairt ghairmiúil, meas agus ceannaireacht ionchuimsitheach; agus
- Caithfimid le comhghleacaithe agus le daoine a bhfuil seirbhísí á gcur ar fáil againn dóibh go cothrom, ag teacht le hoibleagáidí Chearta Daonna agus Chomhionannas na hEarnála Poiblí.

Ár dTorthaí Beartaithe

Tríd an Ráiteas Straitéise seo a chur chun feidhme, tá sé beartaithe againn na torthaí seo a leanas a bhaint amach:

Torthaí Beartais

- Ionchur suntasach ón Roinn i mbeartais uile-Rialtais;
- Creat caiteachais phoiblí inbhuanaithe, inchreidte;
- Pá agus pinsin Seirbhíse Poiblí a bhainistiú ar bhonn atá inbhuanaithe go fíoscach;
- Athchóirithe a thacaíonn le barr feabhais i soláthar seirbhísí poiblí agus i gceapadh beartais straitéiseach;
- Eispéireas níos fearr d'úsáideoirí seirbhíse nuair a bhíonn úsáid á baint acu as seirbhísí rialtais, go háirithe seirbhísí digiteacha; agus
- Struchtúir riaracháin atá níos cuntaasaí agus níos trédhearcaí, a chabhraíonn le hiontaoibh phoiblí níos fearr a fhorbairt.

Torthaí Eagraíochtúla

- Foireann a bhfuil spéis acu ina gcuid oibre agus timpeallacht chomhoibríoch oibre; agus
- Soláthar seirbhíse éifeachtach agus éifeachtúil do chomhlachtaí poiblí ábhartha.

Ár nGealltanais i gClár an Rialtais

Tá na gealltanais i gClár an Rialtais a bhfuil an Roinn freagrach astu le fáil [anseo](#).